



IHYA' RAMADAN TNB MERIAH DENGAN IBADAH, UKHUWAH & KEBERKATAN

SENTIMENT	Positive	FREQUENCY	Daily	MEDIA TYPE	Newspaper
OUTLET COUNTRY	Malaysia	OUTLET LANGUAGE	Malay	IMPRESSIONS	172,826
CIRCULATION	86413	DISTRIBUTION	N/A	SECTION	lokal
PAGE	23	SIZE	400 cc		



ORANG ramai yang hadir memeriahkan Program Ihya' Ramadan TNB di Kompleks Balai Islam An-Nur TNB, Bangsar.

IHYA' RAMADAN TNB MERIAH DENGAN IBADAH, UKHUWAH & KEBERKATAN

Anjur program santuni 2,500 orang setiap hari daripada komuniti sekitar Bangsar

Oleh Suliati Asri
suliati@hmetro.com.my

Kuala Lumpur

Ramadan kali ini menjadi saksi Tenaga Nasional Berhad (TNB) terus memantapkan usaha menghidupkan bulan penuh keberkatan ini dengan semangat kebersamaan melalui Program Ihya' Ramadan TNB di Kompleks Balai Islam An-Nur, TNB, Bangsar.

Bukan sekadar ruang untuk berbuka puasa dan menunaikan solat tarawih, program ini turut diisi dengan pelbagai aktiviti keilmuan dan kemasyarakatan yang mengeratkan hubungan sesama komuniti.

Ketua Pegawai Insan TNB, Feldatun Sharif berkata Program Ihya' Ramadan TNB dianjurkan bertujuan menghidupkan suasana ibadah di Kompleks Balai Islam An-Nur TNB, Bangsar, pada bulan Ramadan.

Katanya program ini juga dianjurkan bagi mengeratkan hubungan antara warga kerja, masyarakat setempat serta musafir yang singgah.

Bertemakan "Ramadan



“Semua ini kita sediakan untuk mencipta pengalaman Ramadan yang lebih selesa dan inklusif buat semua lapisan masyarakat”

Feldatun Sharif,
Ketua Pegawai Insan TNB



Dihayati, Komuniti Disantuni" program ini menyediakan hidangan iftar, sahur dan moreh serta solat tarawih bersama imam jemputan. Terdapat juga aktiviti seperti tadarus al-Quran, Klinik Al-Fatihah dan kaunter zakat fitrah untuk memberi manfaat kepada lebih ramai orang. "Bagi memastikan kesesuaian semua jemaah, kami turut menyediakan ruang khas untuk keluarga dengan anak kecil, Kids Playroom selain kemudahan mesra orang kelainan upaya (OKU) seperti tandas (ramp) dan tandas khas serta akses mudah melalui stesen LRT/KTM Abdullah Hukum dan lebuh raya NPE.

"Semua ini kita sediakan untuk mencipta pengala-

man Ramadan yang lebih selesa dan inklusif buat semua lapisan masyarakat," katanya.

Berkongsi keistimewaan program Ihya' Ramadan TNB, Feldatun berkata program kali ini diperluaskan dengan skala yang lebih besar.

"Alhamdulillah sehingga hari ini, kehadiran mencecah 2,000 hingga 2,500 orang setiap hari sekali gus menunjukkan sokongan luar biasa daripada komuniti sekitar Bangsar dan Kuala Lumpur, termasuk pelajar universiti, keluarga warga kerja TNB serta musafir yang singgah untuk berbuka puasa dan menunaikan solat.

"Keistimewaan program ini juga terletak pada sumbangan infak Ramadan,

yang mana sebahagian besar hidangan berbuka puasa dan aktiviti lain dibiayai hasil sumbangan warga kerja TNB serta jabatan dan bahagian dalam organisasi ini.

"Saya ingin merakamkan setinggi-tinggi penghargaan kepada Pengurusan TNB dan seluruh warga kerja TNB yang telah menyumbang dalam pelbagai bentuk, sama ada wang ringgit, tenaga, masa dan idea. Terima kasih juga kepada semua sukarelawan yang bertugas setiap hari tanpa mengeluh dan terus bersemangat demi memastikan kejayaan program ini.

"Bukan hanya di Bangsar, program ini turut diperluaskan ke negeri-negeri lain, yang turut mengadakan majlis berbuka puasa bersama penduduk setempat dan penyampaian sumbangan kepada golongan yang memerlukan," katanya.

Selain ibadah harian, program ini turut dimeriahkan dengan aktiviti hujung minggu yang menarik. Antaranya termasuklah Taekwondo Kids, Bengkel Penulisan Khat, Fun Quran Class for Kids dan

Bedah Buku "Kompas 114" bersama Ustaz Syaari.

Aktiviti yang dianjurkan secara percuma ini bukan saja memberi peluang kepada kanak-kanak dan keluarga mendalami ilmu agama dengan cara yang lebih santai, tetapi juga mengeratkan ukhuwah dalam suasana Ramadan yang penuh keberkatan.

Kehadiran dan sokongan pengunjug menjadikan program ini lebih bermakna dan memperkukuh semangat Ramadan dalam komuniti.

Justeru, TNB berharap Ihya' Ramadan

TNB akan terus menjadi wadah memperkukuh ukhuwah serta mengimarahkan Ramadan dengan penuh keinsafan.

Feldatun berkata berikutan sambutan yang menggalakkan, insya-Allah, Ihya' Ramadan akan dianjurkan lagi pada masa depan serta menjadi platform untuk kita berkongsi rezeki dan keberkatan bersama.

"Sempena hari raya ini juga, kami akan mengadakan solat sunat Aidilfitri di Kompleks Balai Islam An-Nur, TNB, Bangsar. Jemput semua untuk hadir," katanya.



TNB menyediakan ruang khas untuk keluarga dengan anak kecil, Kids Playroom.